

LES NUESTRES PROPUESTES

MÁS ESCUELA PÚBLICA Y MEYORES CONDICIONES DE TRABAYU DEL PROFESORÁU

L'actual situación de crisis económica, val de sida pa tou tipu de midíes antisociales. Tamos nun momentu crucial nel que tolos derechos tán n'entredichu y dexen de selo de la nueche al día, ensin previu avisu nin negociación (retayos salariales inéditos ya ilegales, supresión de la xubilación anticipada, aumentu de la edá de xubilación, retayos de plantiya...). Y esto nun ye más que'l principiu: yá s'anuncien nuevos retayos de les nuestres retribuciones, del empléu públicu ya inclusive de la nuestra condición de funcionarios.

La resistencia a esti tipu de polítiques convirtióse nuna xera imprescindible, a desenvolver dende agora y pa un llargu periodu. Otra manera, ye'l peor momentu pa un sindicalismu conciliador, cuando non cómpliz de l'Alministración educativa, qu'intenta espublizar un clima d'aceptación sufrida de los efectos "inevitables" de la crisis.

Unos sindicatos convertíos n'apéndices de l'Alministración, que viven del so favor, nin pueden, nin quieren asumir esa xera. Nun Engañemos: lo que ta en xuegu ye la esistencia mesma de la Escuela Pública y el calter d'Emplegaos Públicos de los/les sos trabayadores.

La trayectoria sindical de SUATEA demuestra que yá fai enforma que previéramos esta situación, y tratemos d'organizar al profesoráu pa face-y frente. La Presidencia de la Xunta de Personal en manes de SUATEA yera la opción más tarrecida pola Alministración: una presidencia que nun calló, qu'esixó en tou momentu respetu pa los docentes. A lo llargo esti periodu, y magar de toles torgues de l'alministración y de dellos sindicatos, llogróse rescatar la negociación na Mesa Sectorial. Tamién se paralizó la llocura de la evaluación puesta en marcha va dos años (qu'agora se pretende reeditar con otru disfraz, siguiendo asina na llinia de xerarquizar, estremar y discriminar al profesoráu).

Por eso, desarmar cualquier resistencia colectiva a los sos proyectos sigue siendo l'oxetivu fundamental d'esti gobiernu, pero vamos saber opone-yos l'acción unitaria del profesoráu pa caltener l'interés de toos.

SUATEA COMPROMÉTESE A DEFENDER

- La Estabilidá de les plantiyes docentes. Non a la movilidad forzosa y a la redistribución d'efectivos. Negociación añal de tolos cambeos.
- Xornada llaboral de 35 hores selmanales frente a les 37,5 actuales. Amenorgamientu de la xornada llectiva en tolos niveles educativos.
- Xubilación voluntaria anticipada a los 55 años y xubilación col 100% de les retribuciones, a los 30 años de serviciu o a los 60 d'edá.
- Amenorgamientu del horariu llectivu pa les/los mayores de 55 años, ensin amenorga de retribuciones. Implantación del añu sabáticu.

- Negociación d'un nuevu sistema retributivu qu'evite la división salarial del profesáu asturianu, y qu'algame la equiparación, siquier, cola media salarial del profesáu del Estáu. Xuba llinial pa toos/es de 300 euros. Actualización salarial añal en relación cola medría del costu de la vida. Restitución del porcentaxe salarial ilegalmente retayáu.
- Estabilidá pa tol profesáu interín hasta'l so accesu a la condición de funcionariu/a de carrera. Equiparación salarial y de les condiciones llaborales col personal funcionario de carrera.
- Ampliación de la oferta de la Formación Profesional pública. Por una F.P. pública con más recursos y xestión democrática de los centros.
- Meyora de les condiciones del profesáu itinerante y puestos de mal desempeñu.
- Restitución de les competencies de la Consejería d'Educación. Negociación na Mesa Sectorial d'Educación colos representantes llexítimos del profesáu.
- Xestión democrática de los centros. Potenciación de claustros y consejos escolares. Elección democrática de los cargos directivos.
- Meyora y ampliación del serviciu educativu por aciu l'aplicación de midíes como l'amenorgamientu de ratios, desdobles y creación de nuevos puestos de trabayu. Potenciación de la Orientación por aciu el refuerzu de los Equipos y Departamentos d'Orientación.
- Declaración d'Oficialidá de la Llingua Asturiana y el Gallego-Asturiano nel so territoriu.
- Tratamientu llexislativu específicu pa la escuela rural, como exa estratéxica de vertebración de la sociedá asturiana.
- Meyora y ampliación de la oferta d'Educación de Persones Adultes, de les Enseñances de Réxime Especial y Escuelas Oficiales d'Idiomes, atendiendo debidamente a les sos especificidaes.

EL VOTU A SUATEA REFUÉRZATE

- Supón una firme defensa d'alternatives progresistes pa la consecución d'un sistema educativu públicu, llaicu, gratuitu, de calidá y prioritariu política y presupuestariamente.
- Supón una garantía pa la enseñanza pública al ser l'únicu sindicatu que defende la so prioridá frente a la privada-concertada y caltién la esixencia de la supresión de los conciertos educativos. Supon la oposición a la privatización de la FP. y refugu de les subvenciones millonaries a sindicatos, empresarios y otros "axentes sociales" (ONG tapadora, academies de formación,...).
- Supón una seria oposición a la política non negociadora tanto de la Consejería d'Educación como del MEC.
- Supón la información al profesáu y el sometimientu de tou posible alcuerdu a la so decisión.

NÓS NUN CUNTAMOS EL CUENTU LA LECHERA

En delles CCAA, gracias al llabor de sindicatos venceyaos a la Confederación de STES a la que pertenez SUATEA, llográronse importantes meyores nes condiciones llaborales del profesoráu: añu sabáticu, permisu de paternidá, aumentu y estabilidá de plantiyes, homologación retributiva, estabilidá del profesoráu interín, etc.

La Consejería d'Educación d'Asturies, acombayada por dellos sindicatos, dedícase a enchipases colos resultaos escolares, pero escaezse del profesoráu, que vien sufriendo una intensificación de la so carga de trabayu, un aumentu de les dificultaes del llabor docente, etc., ensin contrapartíes. La burocracia aumenta nos centros y el profesoráu tien qu'asumir cada vez más xeres en condiciones precaries.

El so últimu inventu llámase Llei d'Evaluación y los sos Incentivos, de la qu'esiximos la so derogación, non yá por ser contraria al principiu d'igualdá retributiva, sinón por asitiar al profesoráu nuna absoluta desprotección frente a Directores, la Inspección educativa y la mesma Alministración. Namás dende la mala fe chapucera, la ignorancia y l'amateurismu de delles organizaciones sindicales s'esplica la so complicidá entusiasta con esti proyectu. Claro qu'ayuda enforma'l que los sos lliberaos sindicales tean llibres de la "evaluación", pero non del cobru de los "incentivos", nun exerciciu más de caradura.

En realidá nun se trata d'un inventu, sinón de la importación d'un sistema d'aguiyar al profesoráu que yá s'esperimentó n'otros sitios (EEXX, Reinu Uníu), cola resultancia de faer insoportable'l trabayu docente y facilitar el despidu masivu de profesores. Perdayuri cuntó cola oposición más decidida de los sindicatos de docentes, qu'en dellos casos (Washington) llograron la so supresión.

Nós queremos que se nos homologue salarialmente col restu del profesoráu del estáu. Nun queremos propines, en cuenta de pesaes cadenes. Por eso dende SUATEA, nun vamos contemplar pasivamente como convierten la vida llaboral de los docentes asturianos nun infiernu, hasta los 67 años y con menos salariu.

DEFENDE LOS TOS INTERESES,

VOTA SUATEA,

COHERENCIA Y COMPROMISU